

天一閣藏明代方志選刊


天一閣藏明代方志選刊

彰德府志



2053/02

一九六四年二月上海古籍
書店據寧波天一閣藏明嘉
靖刻本景印原書版框高一
九·二公分寬一四·八公分



彰德府志目錄

崔銑輯

范氏
宋
藏
香

卷之一

地理志第一之一

卷之二

地理志第一之二

卷之三

建置志第一

卷之四

田賦志第三

祠祀志第四

卷之五

官師志第五

卷之六

人物志第六

卷之七

選舉志第七

卷之八

鄴都宮室志第八

雜志第九

叙曰正德己卯太保湯陰李公於中秘得宋相
臺志十二卷元續志十卷郡守陳公萬言令所
部各以其志送官是歲冬以予輯而正之明年
春銑遭先母淑人憂又兩閱歲既禫柎矣始啓

書讀宋志事略具而文義蕪鄙元以下止觀
焉乃別為例作九志凡八卷其事兼采諸史其
文則刪潤者過半矣夫志者郡史也備物垂軌
不軌不物眩觀惑鄉雖文案用裁故地理稽實
而黜附會建置遵制而明則田賦以恤隱祠祀
以正典官師均列而信教人物選舉上行而下
秩宮室刺奢雜志輔化崇正義而黜異端損浮
冗而要簡確然後府事稍可誦覽斯竊取諸君

子之志焉銑也才淺能薄意長力短况府居衝
衢海內無作先被余棘今土著之家十不存一
舊典湮滅後學寡聞循長鄉哲靡由殫述舊志
涉誤近諛者並以義刪之不能登載孔子曰多
聞闕疑慎言其餘夫述不師聖其胡用訓罪我
者其以是夫嘉靖改元歲後渠崔銑書



彰德府志目錄

彰德府志卷之一

地理志第一之一

彰德府禹貢冀州之域書序曰河亶甲居相府

城外西北有開元寺寺後有亶甲冢冢在洹水
南岸有故城曰畿城一曰亶甲城周回四十步
高一丈五尺又有地曰商亭城冢記曰亶甲所
居夫湯始居亳仲丁遷囂亶甲自囂徙居相祖
乙居耿盤庚歸治亳九五遷商之諸王以十日
亶為帝號惟亶甲加河者漢書地理志魏郡有
大河有滏有汙今府東永和及鄴臨漳之
間尚多卑下必水圯其都祖乙乃遷耿爾
春秋

時屬晉陽左氏傳曰齊侯伐晉取朝歌入孟門

登太行趙勝帥東陽之師以追之此地即東陽

也

晉山東朝陽故曰東陽

戰國時屬魏

史記魏文侯出征以西門豹守鄴

後屬趙

史記廉頗攻魏取安陽

秦併天下為邯鄲上黨地

漢高祖始分置魏郡治鄴後漢末冀州理之韓

馥為州牧袁紹藉馥起兵建安九年曹操攻袁

氏拔鄴因其富強遂居之以為根本天下方亂

百姓皆奔鄴因曹氏之強以小安戶口視天下

最號難治十七年獻帝以十五縣益魏郡封操

為魏公操分為東西部擇強守令治之曹丕篡
立黃初二年以東部為平陽郡西部為廣平郡
廣平陽平平魏謂之三魏晉曰魏郡理於鄴後
趙石虎魏冉閔前燕慕容皝皆建都符堅平燕
以王猛為冀州牧而鄴隸焉後魏天興元年克
鄴城道武幸鄴訪立州名尚書崔光對曰昔河
賈甲居相聖皇天命所相宜曰相州道武從之
改曰相州文帝太和十八年欲遷都洛陽經鄴

登銅雀臺御史大夫崔光等曰鄴平原千里漕四通有西門史起舊迹可以饒富在德不在險請帝都之孝文曰君知其一未知其二鄴非父居之地石虎傾於前慕容滅於後國富主奢暴成速敗且西有枉人山東有列人縣北有栢人城君子不飲盜泉惡其名也遂止東魏孝靖帝遷鄴改築南城以相州刺史為司州牧魏郡太守為魏尹北齊高洋篡立改魏尹為清都尹

周滅齊復改相州大冢二年兼置魏郡自故鄴徙州於安陽即今治所也隋初廢魏郡煬帝初廢州復置魏郡理安陽唐武德初復改相州天寶元年改鄴郡至德後中原用兵刺史皆理軍戎始有節度之號乾元元年復改相州梁貞明元年建昭德軍節度以軍亂地歸後唐莊宗入魏為屬郡屬魏州晉天福二年復陞彰德軍節度宋復為相州金陞彰德府為其地重物繁特

以親王駙馬為節度使元改彰德路長曰達魯
花赤如古監郡以國中勲舊重臣充之 大明
改彰德府廣二百四十里袤二百十里東內黃
南濟西壺關北邯鄲府隸河南布政使司置彰
德衛守焉領州一縣六城圍九里一百十二步
高二丈五尺闊二丈外磚內土四門東永和南
鎮遠西大定北拱辰壕闊十丈水深者二丈淺
者八九尺宋志云後魏天興元年築宋景德三

年增築圍十九里今裁得其半云

安陽縣

附郭

自秦至隋四遷秦故城在州東南四

十三里近內黃縣本殷墟及邶鄘衛之地曹甲

祖乙紂之王畿也戰國時為魏寧新中邑秦昭

王使白起破趙兵於長平分其軍為二命王齕

將而伐趙邯鄲是歲冬秦別將張唐攻魏拔鄭

王齕攻邯鄲不拔引兵從唐拔寧新中改名安

陽變寧為安義相近矣水北山南曰陽其以在

淇北故耶史記秦二世三年使將章邯王離圍
趙鉅鹿楚懷王以宋義為上將項羽為次將北
救趙義至安陽留不進羽殺義引兵渡河與秦
軍遇九戰大破之虜王離率諸侯兵再與章邯
戰漳南又擊之汙水上汙水在鄴西遂聽邯等降與
邯盟於洹水南殷墟今故城間有霸王店殷墟傳云即羽與邯盟處
在故安陽邑也漢書注曰洹水在安陽縣北去朝歌殷都一百五十里此殷墟
非朝歌也漢初廢入蕩陰屬河內郡晉始於今縣西